

四庫全書

子部

欽定四庫全書

子部

普濟方卷三百五十六

詳校官太醫院吏目臣吳尊愛

編修臣倉聖脈覆勘

總校官進士臣繆琪

校對官中書臣朱忻

謄錄監生臣李學瞻

欽定四庫全書

普濟方卷三百五十六

明

周王朱橚撰

產難門

總論

凡婦人以血為主惟順氣則血順胎氣安而後生理和
今富貴之家往往保惜產母惟恐運動故禁出入專坐
臥曾不思氣閉而不舒快則血凝而不流暢產不轉動
以致生理失宜臨產必難甚至悶絕一也且如貧者生

育日夕勞苦血氣舒暢生理甚易何俟乎藥則孕貴於運動者明矣次則產婦妊娠已經六七箇月胎形已具而世人不知禁忌恣情交合嗜慾不節使敗精淤氣聚於胞中致令子損母傷臨產必難二也何以知之生下兒子頭上有白膜一片滯膩如膠俗強名曰戴白生兒身有青有黑俗強名曰宿痣此是入月交合所致也如此則不特母病其子一生浸淫赤爛瘡瘍俗謂之胎蛆動逾歲月不差三則臨蓐太早傷筋骨或信巫卜或說鬼

崇多方誤恐致令產母心驚神恐憂惱怖懼又為閑雜婦人喪孝穢濁之人衝觸若不預為杜絕臨產必難三也何以知之如偷生之女不正之屬既無產厄子母均安其理可知凡臨產初時腹痛或作或止名曰弄痛穩婆踈率不候時至便令試水試水頻洩胞漿先破風颯產門產道乾澀及其兒轉便令坐草太早兒轉亦難致令產難四也直候痛極眼中如火此是兒逼產門方用坐草即令易產如坐草稍久用力太過產母困睡抱

腰之人又不穩當致令坐立傾側胎死腹中其為難產
五也時當盛暑宜居深幽房屋當常令坐立開啓窓戶
多貯清水以防血暈血悶血溢妄行血虛發熱之症如
冬末春初天色凝寒宜密閉塞產室窒塞罅隙內外生
火常令煖氣如春仍令下部衣服不可少綿方免胎寒
血結無致產難六也

經驗方云婦人產難重事也凡產婦入月切忌飲酒呌
怒臨產時先脫尋常所着衣以龍井口則易產亦衣易

下不可令人喧擾及作倉忙之狀止令老成在旁扶持
看待產母惟當飡軟飯粥之類初覺微痛而不甚名曰
弄痛不可便行試水探聽產母坐卧切須熟忍或服催
生符藥却不可曲腰眼垂連腰引動眼中如見火色此
是兒轉又須令人扶策徐徐而行若行步艱即凭物立
須臾扶策再行直立至連相引陣痛頻頻又服催生符
藥免強扶行痛轉甚難於行立認是產時將至然後安
詳坐草上草之時切勿太早恐兒在腰中難於轉側及

胞漿先破子道乾澁皆致難產務要產婦惜力心中熱悶先以蜜一匙新汲水調下若熱悶未已以生鷄子一箇打破吞服直待兒逼產門頭端正然後令人抱腰其抱腰之人不得傾斜則兒順其理自然易產新產下便以新汲水令產母徐啜三二呷以涼心經不致敗血上行可省百病又有卧產者湏待卧定皆平着席體不偃曲則兒不失道如能依此節度必無難產之理纔得分娩切忌問是男是女且服壓血藥仍令人用手或物從

心下按至臍腹惟宜避風房內常淬醋煙以防暈悶○
儒門事親書收產胎論云有一孕婦年十八歲臨產召穩
媪三人其二極拽婦之臂其一媪頭抵婦之腹中以兩
手扳手腰極力為之胎死於腹良久乃下兒亦如血乃
穩媪殺之也豈知瓜熟自落何必如此乎其婦因茲經
脉斷閉腹如刀刺大渴不止小溲悶絕主病者禁水不
與飲口舌枯燥牙齒黧黑臭不可聞飲不下昏憤欲
死戴人先以雪水恣令飲之納二升許痛緩渴止次丹

車九通經散前後五六服下數十行食大進仍以桂苓
甘露飲六一散柴胡飲子等調之○又論云凡婦難產
者皆因燥澀致臟腑不得開通宜先於降誕之日入月
之日用長流水調益元散日三服產必易產後亦無一
切虛熱氣血不和之疾如未入月則不宜服之以滑石
滑胎故也

凡人生產先知此十二產證候則生產之婦永無傷損性
命生產之間性命最重幸而孩子易生人不知福萬一

有少艱難則須臾之間子母之命懸於絲髮但世人所
患者惟在生產收生之人少有精良妙手緣此多有損
命因傷其事為十一產論一曰正產者蓋婦人懷胎十
月滿足陰陽氣足忽然腰腹作陣疼痛相次胎氣顛陷
至於臍腹疼痛極甚乃至腰間重痛穀道挺出迸繼之
漿破血下兒子遂生此名正產二曰傷產者蓋婦人懷
胎忽有七月八月而產或至九月十月而產忽有經一
年二年及四年五年而後產今獨以十月滿足為正產

蓋一人之生陰注陽定各有時日不可改移今有未產一月已前忽然臍腹疼痛有如欲產仍却無時是名試月非正產也但一切產母未有前面正產候即不可令人抱腰產母亦不可妄亂用力蓋欲產之婦臍腹疼痛兒身未順收生之人却教產母虛亂用力兒身纔方轉動却被產母用力一逼遂使兒子錯路忽橫忽倒不能正身皆緣產母未當用力之所致也凡產母用力須待兒子順身臨逼產門始用力一迸令兒下生此方是產

母用力得當也未有正產之候而用力太早并妄服藥餌令兒下生譬如揠苗而助之長非獨無益而又害之此名傷產三曰催產者言婦人欲產漿破血下臍腹作陣疼痛甚兼腰重是正產之候但兒却未生即可服藥以產之或有腹痛數日產母困苦已分明見得是正產之候但兒子難生亦可服藥以助產母之正氣令兒速得下生此名催產四曰凍產者蓋言三冬之月天氣寒冷產母血經得冷則凝結而不散因其血之不散以致

兒子不能生下此之一弊為害最深然世人不知覺若
冬產婦下部不可脫却綿衣并不卧坐寒冷之處當滿
房着火令遍方常有暖氣常令產母背身向火令臍下
腿膝間常有暖氣若背上心前少間寒冷須是暖災綿
衣以包之貴其血得熱則流散使兒子易生此名凍產
若春秋之間天地有陰濕寒冷之氣亦可房中以微炭
火煖為妙五曰熱產者蓋言盛暑之月欲產之婦當要
其溫涼得所不可因熱恣意取涼及有傷損胎氣又生

產之處不可多著人數切忌人多熱氣逼襲產母蓋人之血氣得熱則散熱過則損今當夏暑炎熱之盛而產母氣虛則其血得熱而上蒸能令產母發熱頭痛面赤昏昏如醉乃至不知人事世有名血暈者因此而成也若產於夏月時少有清涼之氣陰雨之變產母不可任取涼恐生大病六曰橫產者蓋兒子下先露其手或先露其臂此因未當用力而產母用力之過也臍腹疼痛兒身未順若是產母用力一遍遂致身橫而不能生不

幸而有此證候當令產母安然仰卧令看生之人推兜入去凡推兜之法先推其兜身令直上漸漸通手以中指摩其肩推其上而正之漸引指攀其耳而正之須是產母仰卧然後推兜直上徐徐正之候其身正門路皆順煎催生藥一盞令產母吃了方可令產母用力令兜下生此名橫產若看生之人非精良妙手不可依此法恐恣其愚以傷人命七曰倒產者蓋因其母胎氣不足關鍵不牢用力太早致令兜子不能回轉順生便只直

下先露其足也治之之法當令產母於床上仰卧令看
生之人推其足入去分毫不得令產母用力亦不得驚
恐候兒自順若久不生却令看生之人輕輕用手內入
門中推其足令就一畔直上令兒頭一畔漸漸順下直
待兒子身轉門路正當然後煎催生藥令產母服一盞
後方始用力一逼令兒生下此名倒產若看生之人非
精良妙手不可依用此法恐恣其愚以傷人命八曰偏
產者蓋因兒子回轉其身未順生路未正却被產母用

力一逼致令兒頭偏柱左腿或偏柱右腿反無從用力致令兒雖近人門而不能生下但云兒已露頂然不知兒之所露却非頂也或左額角或右額角而已謂兒頭偏柱一畔以此不能收治之之法當即令產母仰卧令看生之人輕輕推兒近上以手正其頭令兒頭頂端正向人門然後令產母用力一逼即便兒子生下即令兒却只露額當令看生之人以一件綿衣炙令溫暖用裹手急於穀道或是小兒之後骨偏柱穀道外旁輕而推

兒令正即便令產母用力逼兒生也此名偏產凡遇教道外傍推兒頭正須推其上而正之仍是小用輕力推些兒上而正之也若看生之人非精良妙手不可依用此法恐恣其愚以傷人命九曰礙產者蓋言兒身已順門路俱正兒子已露正頂而不能生下蓋因兒身回轉肚帶攀其肩以此露正頂而不能生此名礙產治之之法當令產母於床上仰卧令看生之人輕輕推兒近上徐徐引手以中指按兒肩下其肚帶也仍須候兒身正

順方令產母用力一送使兒子下生此名礙產若看生
之人非精良妙手不可依用此法恐恣其愚以傷人命
十曰坐產者蓋言兒之欲生當從高處牢繫一條手巾
令產母以手攀之輕輕屈足坐身令兒生下非令產母
臨生兒時著坐一物此名坐產若是產母兒將欲生却
令坐著一物即抵著兒不能生也十一曰盤腸產趙都
運恭人每臨產則母腸先出然後產子產子之後其腸
不收甚以為苦名曰盤腸產醫不能療偶在建昌得一

坐婆之法一施而收之其法遇產後子腸不收之時以醋半盞新汲冷水七分碗調停喫產婦面喫每一縮三喫收盡此良法也後學不可不知欲產之婦脉離經沉細而滑也歌云夜半覺痛應分誕來日日午定知生身重體寒熱又頻舌下之脉黑復青反舌上冷子當死腹中須遣母歸冥面赤舌青細尋看母活子死定應難唇口俱青沫又出子母俱死總當判面青舌青沫出頻母死子活定知真新產之脉緩活吉實大絃急見鬼新若

得沉重小者吉切勿堅牢命不停寸口溢痰不調死沉細
附骨不絕生臨產腹痛而腰不痛者未產腹痛轉甚者
將產蓋腎候於腰胞繫於腎尺脉轉甚弦如急珠者產
婦人產乳忌反支月若值此月當坐牛皮上或灰上勿
令水血惡物著地則殺人及浣濯衣水皆以器盛過此忌
月乃止○凡生座不依圖脫有犯觸於後子母皆死若
不至死母子俱病諸事皆不稱心若能依圖無所觸母
即無病子亦易養○凡欲產時特忌多人瞻視惟得三

二人在傍待總產訖乃可告語諸人也若人衆看無難生胎神逐月所直方位不可脩造○正月在床○二月在戶○三月在門○四月在竈○五月在床○六月在竈○七月在房○八月在廁○九月在門○十月在戶○十一月在竈○十二月在牀

產難附論

凡孕婦入月切不可洗頭方免產難及橫產逆產
夫難產者由先因漏胞去血臟燥或子臟宿挾疾疢或

觸犯禁忌或始覺腹痛產時未到便驚動穢露早下致子道乾澁產婦力疲皆令難也凡看母舌青兒死母活唇口青兩邊沫出者子母俱死面青舌赤沫出者母死子活也故將產時須令坐卧安定背平蓆體不偃曲則兒不失其道若坐卧未安身體斜曲兒正轉動忽遽強嘔氣暴衝擊則令兒趨後孔或橫逆皆由產時忽遽或觸犯禁忌坐卧不安定所為故產婦坐卧須平安正順四時方面避五行禁忌若有觸犯多致災禍者也

方

瞿麥湯 治難產及已產胞衣不下或墮胎後血不下

瞿麥穗

消石

黃連

去

滑石

甘草

炙各一兩

王不留行

延胡索

當歸

大黃

各一分

生乾

地黃

連皮大腹

鬼箭羽

射干

葳靈仙

去土

雷丸

檳榔

京三稜

炒

郁李仁

各一兩半

吳茱萸

炒半兩

牽牛子

炒二兩

右麝搗篩每服五錢水盞半入生姜五片同煎至八

分去滓溫服不拘時

催生湯 治妊娠欲產痛陣尚踈難產經三兩日不生
胎死腹中或產母氣乏委頓產道乾澀纔覺痛密破
水後便可服

蒼朮

二兩米泔浸洗切焙黃色

枳殼

麩炒去穰

白桔梗

廣陳皮

去白

芍藥

白芷

大川芎

各一兩

歸身

一兩

交趾桂

去粗皮不見火

半夏

湯洗

粉草

麻黃

去節

乾

薑

刮去土皮

厚朴

薑汁製

南木香

杏仁

去皮尖

白茯苓

各五錢

右為末每服二錢順流水溫煖調服若覺熱悶白蜜湯或剉散入真米醋一合煎當隆暑之時恐難輕服但以五苓散用葵子燈心煎湯調下卻暑清魂滑胎易產胞漿先破則胎乾難產用白蜜清油浸一合熱酒調得所頓服胎氣即潤分娩矣

易生湯 治婦人血氣不調心腹疼痛或月閉不通每有妊娠多難產

蒼朮

淨洗去皮
十二兩

桔梗

二兩

枳殼

去穰
麩炒

麻黃

去根

附子

炮去
皮臍

陳皮

去白
各三兩

芍藥

白芷

芎藭

當歸

桂
去皮

半夏

湯泡
七次

赤茯苓

甘草

各一
兩半

厚朴

薑
製

乾薑

炮各
二兩

右除桂枳殼二味別為末外一十四味同為末慢火

炒令色轉攤冷次入桂枳殼末令勻每服三錢水一

盞半醋一合生薑三片煎至一中盞去滓熱服不拘

時候

神聖散 治婦人難產及橫逆產

乾豬胎 鯉魚皮 女人亂髮

三味各一兩入
瓶子內燒全焦

鑄墨

伏龍肝

細研各
半兩

墨

煨醋
三度

當歸

桂

去
皮

芍藥

白僵蚕 炒

白芷

白附子 炮

芎藭

各一
兩

右為散再研細每服三錢熱酒調下臨產腹痛時便

子母俱無恙產後每日空心一服治月內諸血疾

催生方 治婦人臨產胞傷風冷腹痛頻併不能分娩

王不留行 京三稜 煨 牽牛子 炒 百合

當歸

歲靈仙

各一兩半

雷丸

大黃

天雄

炮製去皮臍各一兩

桂

去粗皮

甘草

炙各三分

大腹

二兩

右呿咀每服五錢水一盞半煎八分去滓溫服令產

婦安穩再用後沉香湯從心洗即平安

沉香

水馬

各一兩

飛生烏毛

零陵香

詹糖香

龍腦

蘇合香

苜蓿香

各一分

蘧麥

二兩

右以水二斗煎取一斗去滓待至臨蓐欲平安用湯如人浴即從心上洗三五遍其湯冷即平安亦無有痛苦處無忌

七聖煎 治產難多時不下垂困宜服

蘧麥

滑石

各一兩

牛乳

黑豆黃

酥

三味各二兩

冬葵子

合一

白蜜

合二

右為細末以乳酥蜜調藥令勻慢火熬成稀膏每服一匙熱酒調下

治產難催生 用麝香一錢研末水和服之

保生無憂散 胎胞臨門難產蓋身居富貴口食甘肥無度

即飽即卧致令胞胎肥厚根蒂堅固行動氣急又不

曾預服瘦胎之藥以致臨產艱難服此可保易產

當歸

酒浸

川芎

白芍藥

各三錢

南木香

一錢半

枳殼

少

明乳香

另研三錢

血餘

二錢半即頭髮灰一方以漬猪心血和髮灰

右為末二錢水一盞煎至七分日二服濟生方有甘

草一錢半炙餘同一方無枳殼有硃砂甘草

澤瀉湯 治產難及煩悶不已 一名瞿麥散

澤瀉

一兩

瞿麥

去根研 二兩半

榆白皮

剉碎 二兩

木通

甘草

炙令赤 一兩半

桂

去皮

牛膝

酒浸半日 切焙一兩

右麤搗篩每服四錢水一盞半薑三片煎一盞去滓

溫服未產便服

七聖散 臨產腰痛方可服之

延胡索

沒藥

白礬

飛過

白芷

薑黃

俱焙

當歸

桂心

以上各等分

右為細末臨產陣痛時燒鋒刃鐵令通赤淬酒調藥
三錢服一二立產鋒刃犁頭是也此方河池縣喬醫
家貨每服用一錢引道屢試有效其驗如神

霹靂奪命丹 治婦人恣意情性有失調理衛竭榮枯
胎轉難動坐草之時用力過多腹痛又不能堅忍坐
草蒿然氣挫目反口噤面黑唇青沫出口中子母俱
殞若兩臉微紅子死母生

蛇退

一條入在
磁罐內煨

千里馬

路上左腳舊草鞋
一隻洗燒灰一錢

髮灰

錢一

金銀箔

各一片

乳香

半錢另研

馬明退

蚕退燒灰一錢

黑鉛

一錢半水銀七分半依十五問中法

右為末以獾猪心血為丸如梧桐大倒流水灌下數
丸如灌不行化開灌効如服藥可者更用前藥繫縛
左右手上立効一方五月五日須焚香至誠修合勿令
婦人鷄犬見一方丸藥時每丸念救苦天尊救苦觀
世音菩薩各一聲一方有千里馬無髮灰一方有蚕
子布無蛇退

治產難方

槐枝

切二升

榆白皮

切

大麻仁

各一升

瞿麥

通草

各三兩

牛膝

五兩

右咬咀以水一斗二升煮取三升半分五服

牛蘇煎

治難產經日未產

真牛酥

三兩

秋葵子

一合

白蜜

二兩

滑石

瞿麥穗

大豆黃卷

各一兩

右先以清酒一升研細葵子內酥蜜中微火令銷後

即下諸藥慢火煎令如魚眼沸約減半如膏成則將
瓷器中以綿濾之用溫酒調初服半匙漸加至一匙
苧麻子根飲 治難產產經論云三十後嫁者謂之晚
嫁也少嫁則筋骨軟懦易產也晚嫁則筋骨堅強所
以難產入月宜常服

乾苧麻根

新者刮
削剉

陳皮

去
白

甘草

炙

生乾地黄

焙

烏梅

去核
取肉

人參

各二
兩

右搗篩每服二錢水一盞薑三片同煎七分去滓溫

服日夜各一

催生奪命丹 治婦人臨月坐草而難產者此藥於五

月五日至心脩合應驗

牡丹皮

秋少用

白茯苓

春少用

桂心

夏少用

赤芍藥

冬少用

桃仁

去皮四兩研

澤瀉

各一兩

右為末煉蜜丸彈子大細嚼淡醋湯下

榆白皮散

衛生寶鑑

治難產滑胎易產治妊娠曾有

漏胎去血或臨產驚動太早產時未至穢露先下致

使胎燥臨產艱難

榆白皮

兩一

葵根

兩一

牛膝

三分
去苗

蘧麥

兩一

木通

兩半

大麻仁

三分

右為末每服四錢水一鍾煎六分去滓不計時候溫

服

又方

黃芩

兩一

蘧麥

滑石

兩一

冬葵子

兩一

酥

兩一

蜜

兩一

右為散先將酥蜜於銚子內慢火煎三五沸下諸藥攪令勻更煎三兩沸以熱酒調下一匙不過再服子母平安

勝金散 治難產逐敗血即自生若橫逆則轉活子死腹中則胎軟膨寬即產

王不留行

酸漿

胎死
倍用

羌蔚子

白蒺藜

去
刺

五靈脂

行血俱
生用

右各等分為散每服三錢取利山水一盞半入白芷劉

寄奴子一撮同煎溫服

車前子散 治難產不下經日

車前

炒半兩

榆白皮

刮淨一兩

滑石

半兩

當歸

焙半兩

瞿麥穗

一兩

右為散每服二錢用酒調下溫湯亦得如血水未下用大黃二錢煎湯一盞分作三服調前藥下

甘草湯 治難產腹痛胎不轉動一名葵子散

甘草

炙半兩

榆白皮

刮一兩

桂心

半兩

葵子

一合

滑石 六分

右為散每服四錢水一中盞煎六分去滓溫服

抵聖散 治難產催生

紅藍花 六月六日取

蜀葵花 五月五日採

桃花 三月三日採

凌霄花 七月七日採

大麥 七月十五日採各一兩

右依時採取搗羅為細散每服三錢以熱酒調下立產

芍藥散 治難產催生

赤芍藥

二兩

漚麻頭

一握揀擇淨

芎藭

當歸

茯神

去木

陳皮

湯浸去白

甘草

炙各二兩

亂髮灰

一分

右為散臨卧時溫酒調下二錢頻服立產生

滑胎散

治痛楚難產

榆白皮

切一升

蘧麥

三分

木通

三分

牛膝

一兩去苗

大麻仁

一兩

右為散每服四錢水一鍾煎六分去滓溫服頻服効

又方

蘧麥 槐枝 牛膝 木通 榆白皮

已上各一兩

右細剉每服五錢水一鍾煎六分去滓溫服立効

催生丹 療產婦生理不順產育艱難或橫或逆大有

神効

十二月兔腦髓

去白膜研如泥

通明乳香

一分細研

母丁香

末一錢

右拌勻以兔腦髓和丸如鷄頭實大陰乾用油紙密封貼每服一九溫水下即時產隨男左女右手中握

出是驗一方治或橫或逆

五行散 治產難及胞衣不下難產者初覺腹痛產時
未至便驚動穢物早使子道乾澀難之一也用力太
早致兒傷難之二也如是難產即將夫衣覆井口以
弓絃繫其腹治之以五行散主之

牛膝

洗去蘆酒浸一
日蒸熟為度

榆皮 桂心 瞿麥

木通

已上各
半兩

右為細末每服二錢用熟水芝蔴三五點調下子死

腹中加附子半兩

車前子煎 治難產

車前子

一升新布裹用水熟按漉出日乾又
以新布裹熟揉之令光滑不用擣

生地黄汁

一升

白蜜

一升

好酥

五合

右相和微火煎當令有魚眼沸起即瀉於瓷器中每服半匙以沸湯調通口服之

治難產催生

蘼麥

半兩

桂心

二錢半

蟹爪

半合

牛膝

酒浸半日
焙半兩

右麤搗篩每服五錢水一盞半煎八分去滓溫服如
產便住

滑胎散 治婦人諸般惡產

槐子炒

麥蘖炒

當歸焙

滑石各等分

右為散每服二錢溫酒調下不拘時服

療母子俱傷者產難及胎不動轉者

榆白皮

三兩

葵子

五合

甘草

炙

桂心

一兩

右切以水四升煮取二升服一升須臾不產更服一

升忌海藻松菜生葱一方有黃芩名滑胎散

催生丹 治難產

金箔

三十片

銀箔

三十片

麝香

一錢

硃砂

半兩細研

右細研如粉臘月兔腦髓和丸梧桐子大臨產時茅香湯下五九難產七九立効

又方

冬葵根

三分剉

蒲黃

半兩

桂心

半兩

羚羊角屑

三分

右為散煮棗肉和丸如桐子大不拘時候以粥飲下

三十九

又方

蛇蛻皮

七寸
炙黃

草麻子

七枚去
皮研

硃砂

半兩

麝香

少許

右都研為末煉蜜和丸如小豆大以溫水下二九

治產難或半生半產不下或子死腹中或著脊至坐草
數日不產血氣上搶心母面無顏色氣欲絕者亦治
橫產

醇酒

二升

白蜜

或煎猪膏

各一升

右合煎取二升一服不能再服可隨所患服之治產後惡心血不除上搶心痛煩急者以地黃汁代醇酒一方不用酒

蛇蛻皮 治難產數日不下

蛇蛻皮

一條 燒灰

臘月兔腦髓

一枚

車脂

棗許大 暴乾

右除兔髓外搗羅為末以兔髓搜和為丸如梧桐子大二十九溫酒下

蟹爪飲 治難產兼子死腹中或妊兩子一子已死一

子却活令死者出生者安 一名千金神造湯

蟹爪 合 甘草 炙半兩 阿膠 炒燥一兩

右咬咀如麻豆大每服三錢以東流水一盞煎七分去滓溫服

車前子散 治滑胎易產

車前子 滑石 各一兩 阿膠 炒燥一兩半

右為散每服二錢蜜湯調下不時服至八月乃服藥

利九竅不可先服

治妊娠難產方

水銀

一分

膩粉

一分

兔腦

十二
月者

右研以兔腦和丸如梧桐子大不拘時候以溫水下
五丸

催生如意散 臨產腰痛方可服之

人參

為末

乳香

各一錢

辰砂

半錢

右一處研臨產時急用鷄子清一箇調藥末再用生

姜自然汁調開冷服如橫生倒生即端順子母平善
傳於鄂倅施漢屢見功效

治產難累日氣力乏盡不得生兼惡露出盡胞不產

阿膠

二兩

赤小豆

二升

右水九升煮豆令熟去滓內膠令烊每服五合不覺
更服不過三服即出一方用黃明膠此方係舊用極
驗一方水半盞煎八分

又方

槐子

十四粒

蒲黃

一合

右件內酒中溫服須臾不生再服水服亦得

又方

生姜汁 生地黄汁

各半升

右合煎熟頓服之

治產難胞衣不出橫倒者及子死腹中母氣欲絕

半夏

白欬

各二兩

右治下篩酒服方匕小難一服橫生二服倒生三服

兒死腹中四服可加代赭瞿麥各二兩為佳一名催生持危散溫服不能飲者瞿麥湯調服

催生柞木飲子 治產難或橫或逆死胎爛脹於腹中此方屢用神妙

生大柞木枝

一大握長一尺
淨洗寸剉

甘草

大者五寸
作五段

右用新汲水三升半同入新沙瓶內以紙三重緊封之文武火煎至一升半令香覺腹痛便准備候產婦腰重疼欲產時即溫飲一小盞便覺心胸豁如覺再

渴又飲一盞至三四盞覺下重便生更無諸苦切不
可坐草早及坐婆亂下手催生藥只消一服此方至驗
也○若橫生倒生不過三服即正子死腹中取下能
保子母俱全最為神驗有婦人謂其夫曰屢服催生
散不効遂令勿載以此藥濃煎一碗服少頃甦醒進
些粥再與一碗困睡少時忽云我骨節都折開了快
扶起我水血俱下拔出死胎竟全不費力可謂更生
以此救人百發百中神劑且倉卒易辦毋忽

治難產或倒橫不順方

蛇蛻

一條全者桑樹上佳

蠶蛻紙

一張

右入新瓦瓶中鹽泥固濟燒存性為末煎榆白皮乳香湯調下一錢三服覺痛便生一方云臨產腰痛用藥三字麝香一字溫酒調下名二妙散三家水調亦得一名二退散

金筆丸 治難產

金箔

三片

兔毫筆頭

三個燒為灰

右和傳用蠟為丸如梧桐子大作一服溫酒下

勝金散 治難產若逆生並皆治之 一名麝香散

麝香

一錢研

鹽豉

一兩以舊布青的裹了燒赤乳鉢研

右為末取秤銚燒紅以酒淬之調下一大錢効○嚴氏濟生方云難產者何荅曰胎成之後子居腹中每食母血有餘遂成結塊謂之兒枕子欲生時血塊先破為散血裹其子所以難產當服勝金散要知胎成之後全在調攝令氣道平順十月滿足則產無難矣

更有年少初生纔覺腹痛便驚怖不安氣道不順以致難產宜服催生獨盛散及子蘇飲瘦胎散

治產難

一名催生枳殼湯

枳殼

四兩

甘草

二兩分為三片刀前者生刀後者炙熟

右為末每服空心一錢如茶點後服自五月後一日

一服至臨月不惟易產仍無胎中惡病滑胎易產莫出此方昔有胡陽公主頗有產難每產則經旬痛不安艱難懼產遍尋異術遂傳此方而易產兼令胎瘦

而微黑百日後方始變白若臨月之時不得上廁恐
兒墮也

催生治漏血產藏乾澀難產痛劇

以黃葵花春用苗夏用花秋用子冬用根焙搗為
末酒調服

神應黑散

一名神効草散 一名白芷散 一名烏金散

治難產此藥之功也

人多不服以為極賤之藥大槩產難或一日兩日未

免水血先下如舟坐灘殊不知香白芷百草霜再固其血服之如魚得水決自轉生兼治月水不調崩中等疾及橫生逆生能全子母性命

香白芷

百草霜

各等分

右為末每服二錢童子小便醋各半呷許沸湯燒入六七分點服流水見功甚速再服即分娩矣或用蜀葵子四十九粒白滑石末三錢順流水煎湯空心二服如人行五里即下一方煎服○三因方云評曰產

難不知胎側有兒枕破與敗血聚凝隨其胎息因緣
自有難逆其如橫逆多因坐草太早努力過多兒轉
未遲或已破水其血必乾致胎難轉若先露脚謂之
逆先露手謂之橫法當以微針刺之使自縮入即服
神應黑神散以固其血必自轉生養生方云倉皇之
間兩命所係不可不廣傳蓋贊黑神之功也或以鹽
塗兒脚底抓搔之

燒弓絃散 治難產

弓絃

五寸
剉碎

箭鋒

五寸
剉碎

右用燒作灰研為細散作一服以溫酒下其子即出
未効再服之

羊肉湯 寒月中產當寒月寒入產門臍下脹悶手不
可犯此寒疝也若謂其有瘀血欲以抵黨湯治之有
曰非其治也可服張仲景羊肉湯二服愈兼治產後
腹中疼痛虛勞不足裏急脇痛

精羊肉

四兩

當歸

二錢

生薑

一兩

橘皮

半兩

右水三碗酒少許煎一碗分二服或少加葱鹽亦佳
如意膏 治難產催生

單麻子

二七粒去殼
研如膏

丹砂

半錢
研細

右一處和勻用油單一片圓如蓋口大將藥攤之當
臍下少腹間貼之外以帶帛繫令固候產罷并胞衣下
畢速去之稍緩即脫人氣血此藥覺腹痛便宜用之
貝母散 治難產滑胎

貝母

一兩半
去心秤

槐子

十月上巳日採
之佳一兩半

右為散每服三錢以熱水調下未產更服

馬齒莧散 治難產如覺痛甚服此散即覺平安

馬齒莧

常莧

各曝乾三兩
重午日採

右為散每服二錢新汲水調服宜頻服之

當歸湯 治難產疑胎斃腹中試驗死服之即出活服之即安及治產將至漿破血下腹中作陣疼痛漸至

腰脚

方見妊娠諸疾門安胎類一名芎藭湯

治難產 用蛇黃以水煮研汁服

治難產 用猪槽上垢及土取一合和麴半升烏頭二
十顆煮取汁服之

治難產及已產胞衣不下或墮胎後血不下

真珠

研半兩

伏龍肝

一兩

右為散每服二錢溫酒調下

二聖丹 治難產催生

丹砂

乳香

各一兩

右同研如粉用倒流水和丸如鷄頭實大慢火焙乾

產婦腹痛時用秤鎚一枚洗淨濃研丹砂筆於秤鎚
周面書金木水火土五字以炭火燒令通赤取出投
於酒內將酒下藥一九立產如是取死胎用水銀一
皂子大葱白一莖研如泥及當歸一錢同炒酒半盞
作一服下藥一九并酒飲盡不飲酒用酒少許和醋
湯下一方用麝香酒調下

貝母散 治產難胎在腹中如兒并胎不出或胎斃

貝母 痰藜子

各四兩炒
去刺等分

右為末每服三錢米湯調下良久再服一方溫酒調下或熟水亦得相去四五里不下再服

治難產催生

飛生皮

一枚
燒灰

蛇腿

一條
燒灰

右研為散熱酒調下立生

又方

虎頭骨

燒為
灰

兔頭

燒為灰
各半兩

右研為散以熱酒下一錢便生

又方

金箔

三七片

硃砂

一分

右研令極細以臘月兔腦髓和丸如菉豆大不計時
候溫酒下一丸

催生散 治難產

牽牛子

一兩
微炒

禹餘糧

醋煨
三遍

右為細散每服煎榆白皮湯調下二錢宜頻服

又方

烏牛糞

錢一

革麻子

三顆
去皮

右都擣塗布上貼於腳心下產了即去急洗之勿令遲也

治產難方

取厠前已用草二七枚燒作灰水調服之粥飲調服亦得

又方

令夫唾婦口中二七過立出

治難產及日月未足而欲產者

用知母一兩為末蜜丸如兔屎大每服一九痛不止
更服一九一法酒化

療產婦生理不順產育艱難

用通明乳香一塊如皂子大為末覺腰痛時用新
汲水一小盞入醋少許同調服扶立令產婦兩手
握兩石燕坐婆飼藥飲之先令妊娠念醫靈藥聖三
遍然後服之仍係扶行數步須臾坐草便生無痛

楚神良

如神開骨膏

用乳香不拘多少五月五日午時令一人在壁背
捧乳鉢在櫬上令一童兒以筆管透壁縫內逐粒
從筆管中過入乳鉢內研極細以童兒面北滴水
丸如鷄頭大每服一粒無灰酒吞下海上方用乳
香硃砂等分為細末麝香酒調下

如聖膏

治難產兼治胞衣不下兼治死胎

一名如聖散

用草麻子七粒去殼細研成膏塗腳心胞衣速下
寸金散 治產難

用敗兔毫筆燒為灰細研為末生藕汁一盞調服
立產若產婦弱虛及素有冷病恐藕汁動氣當於
銀器內重湯調溫服之

又方

以大硃砂隨多少端午日晒至百日不得著雨如
滿百日取研如粉用臘月兔腦髓和丸如菉豆大

欲覺產粥飲下一丸良久便生其藥男左女右手
中把出

又方

用臘月兔頭一枚燒為灰為細末葱白煎湯調服
二錢產

又方

凡臨盆欲產又未產吞赤小豆二十粒立效

又方

取梁上塵三指撮酒調服之

救產難經日不生及不順生立効

用雲母粉半兩以溫酒調服入口當產不順者亦產
萬不失一又方將雲母粉澄過研細一團如鷄子
大臨時無灰酒調下

益母丸 專治產難橫逆并安胎順氣

用益母草其葉類大麻葉莖方花紫色白者不是
五月五日採其葉莖陰乾不見日忌鐵器以石器

磨為末煉蜜丸彈子大每服一九臨產以童子小便溫送下若氣不順用木香參湯并艾醋湯送下
治產難亦治催生

用石燕一對令產母左右手持一隻合手不問生死胎即下

治產難亦治胞衣不下神驗方

以皂角末少許吹鼻中嚏出便下又方吞子二枚亦得

療產婦難產催生

用飛生皮令婦執之或蓋在背上帶毛亦効

療臨產月日宜服

以榆白皮焙乾為末日三服方寸匕令易產既產下兒身上皆有塗藥是其驗也

催生湯 治妊娠欲產痛陣尚踈難產經三兩日不生胎死腹中或產母氣之委頓產道乾澀纔覺痛密破水便可服

治難產

取貝母作末服之兼治胞衣不出取七枚末酒下
療婦人產難

朱書紙曰坐為蒲卧為魚女属母兒属夫急急如
律令使產婦吞之又書兩道兩手各執一丸子即
下

又方

用土瓜根搗細羅為散醋湯調下二錢便生

治難產兒不出

兔腦皮毛及頭並燒灰酒服

治難產

以弓弩絃縛腰及燒弩牙令赤內酒中飲之皆取
發快速之義也

治難產

用滑石末與丹參蜜豬脂為膏俟入月即空心
酒下彈丸大臨產倍服令滑胎易生

治難產

取真珠末一兩和酒服之立出

治難產

取羚羊一枚刮尖為末酒調方寸匕一方將屑燒

末酒服

治難產

取鼈甲燒末水服方寸匕立出

治婦人生子不出

用白狗血內酒中服之主下痢卒風瘧伏日取之
大補虛小兒驚癇止下痢

治生產難

用白鷄距及腦燒灰酒服之

治婦人難產

取龍腦少許以新汲水調服立効

治難產及胞衣不下

即取一升人尿用薑葱各一分煎三兩沸乘熱飲

便下

治產難

取井花水半升頓一服

立聖丹

治產危急者

一名立聖鶴頂膏

用寒水石四兩內二兩炭五升煨通赤取出同生
者研細入硃砂同研如深桃花色每用二分井花
凉水調糊用紙花剪如杏葉大攤藥貼臍心乾再
易三過三上便產橫逆惡候死胎不下並治神驗

寒水石非方解石也即今人謂之軟石膏者是也
又法用鷄子清少許同調合時須極至誠勿令雜
人及鷄犬見

治產育艱難或一歲一產者可以此少間之

用四物湯每服三錢加藎藎子一撮於經行後空
心服之

又方

用升麻葛根二兩加瞿麥乾土牛膝枯萆薢根豆豉

炒各半兩為散分作八服空心一日二服合滓服
於每月經行後便服每服如薤藁子一撮尤妙

治難產催生

右蛇蛻皮一條全者取端午日置於沙鍋中用紙
一張水浸一日煎之候乾收此紙有難產者剪三
片子如蛇形新汲水吞之立產或每片紙子內拌
牛糞中豆與吞亦神効即男左女右手把出藥也
一方端午合

酸漿酒 治難產

用酸漿草按自然汁每服半盞煖酒半盞調之頓服
立出

治難產方

右吞大豆三枚至七枚立產

又方

右於臨月帶海馬子一枚良

治難產胎衣不下方

用大麻根三本以水一升煮取三合頓服之立下
又方

右令人含醋嚥面悶即解亦治產母暈絕

療產難歷日氣力乏盡不能得生此是宿有病也雖有
對證之劑倉卒亦可單用此方

取馬啣一枚覺腹痛即令左手持之

催產蠶退散方

用蠶退紙一大張燒作灰研以酸漿草爛搗絞自

然汁三分許酒三分微煖調下一方溫水調服亦得

鷄子酒 療難產二三日不下

用鷄子一枚去清或三枚亦得以苦酒半盞投雞子酒中飲之產

催生馬齒莧酒方

用馬齒莧擣絞取自然汁三分入酒三分微煖服之立產

催生石燕子酒方

取石燕子以童子小便三分摩取自然汁微煖下
赤小豆七粒立產

千鎚草散 療難產

取鑿柄入孔裏者燒末酒服之立下一方燒灰淋
汁服

治母已死兒子不出方

但以水銀如彈丸格口內喉中捧起令下食頃又

捧令起子便落

又方

右擣菖蒲根絞取汁一二升灌口中此亦母死子
生驗

若日月未至而欲產者方

取夫衣帶五寸燒作灰酒服立下

又方

取全蛇蛻一條腹痛時以絹袋盛繞腰

治產難

取草麻子二枚兩手各抱一枚湏臾立下

治產難橫生逆生胎死胞不出方

右破雄雞脇以手探取肝酒漬之湏臾出肝但以
飲酒入口不覺生又一方雞肝一具切以酒一盞
煎六分去肝分二服

治產難數日不出極困欲絕者秘方

取烏雞一頭令走二時許提取刺左翅下取血又刺

血門取血以醇酒一小盞和血內真丹末方寸匕攪
勿令凝服之投杯即活胎即下佳

治產難

用本年厯頭剪下臘月三十日一行如月小用二
十九日一行却剪為三段記定上中下作三九依
上中下三次水吞下即產

治產時困悶

以冬葵子一合水二升煮取半升去滓頓服之少

時便產

通靈散 正產催生

緊卷蛇蛻全者一條以蚯蚓泥裹之燒赤為末入
些藥末相助酒調服若經行不產然後用此一方
先覺熱悶又以新汲水調白蜜服之

治產時子但趨穀道者方

以熬鹽熨之自止

又方

右擣滑石末溫酒下一錢立効

治兒在腹中哭

右以多年空屋下鼠穴中土一塊令產母服之即止

又方 治產時子但趨穀道者方

取桃仁分破書一片作可字一片作出字依前還
合令母吞之便下即此是天尊法神驗

催生桂膏貼足方

桂

去麋皮
為末

雄黃末

一錢

右以草麻子三七枚去皮爛研入二味同研如膏紙上攤於兩足心貼之纔產訖急去藥

催生聖散子方

黃蜀葵子

二七枚

赤小豆

七枚
生用

右同研細童子小便三分調頓服立下一方無赤小

豆

聖功散

治難產橫生倒長困頓不省人事兒死腹中用蜀

葵子陳者不拘多少為散每服三錢酒調下如口
噤幹開灌之無子用根剉碎煎汁濃滑冷服并水
調服亦得如人行五七里路不來再服分晚矣

順生散 治生產不正及難產者

山茵陳葉

仙靈脾

各等分

右件為細末每服三錢童子小便并酒共半盞溫酒
下

治產難數日欲死

右書紙作兩行字凡二十字文曰帝乙生子司命
勿止即出其胞及保其子無病其母封其中央以
朱印之令產婦持之

甘草散 預服散

令易生母無疾病未生一月日前預服過三十日
行步動作如故兒生墮地皆不自覺方見本門數
日不產類

治婦人難產令易產

以海馬與產母帶之於身神驗不再臨卧燒末飲服
亦可手握之

枳殼散 治妊娠令易生

枳殼

甘草

糯米

各等分

右同炒為末米飲白湯調下一日之中二兩三五服
不計時候

治生子令易產

用鰲鼠飛生一枚槐子故弓箭羽各十四枚合搗

九桐子大酒服二九令易產也

又方

用春杵頭細糠燒末水服方寸匕

又方

用蓮花一葉書人字吞之立產

治產婦臨蓐服之令兒易生

取鼯鼠用皮毛與兔頭燒灰研末酒下

飛生丸療婦人易生產

取蛇蛻皮著衣帶中銅弩繫衣帶臨欲產時左手持馬銜右手特飛生皮令易產

暑月中產 有盛暑中產三日發大熱其嘔疾而大惡露不行血攻心狂言叫呼奔走拏捉不住

乾荷葉 生地黃 牡丹皮

各等分

右濃煎湯調服蒲黃末二錢一服即定胎即下遂安
妊娠食物無度口厭甘肥既飽便睡以致胞厚胎肥臨
月難產湖陽公主妊娠七八箇月服効方

益弦枳殼

一兩去穢麩炒黑色

甘草

粉大者炙半兩

右為細末空心沸湯點服勿登高廁原有胎寒腹痛

休服

產母唇青沫出口中子母皆致不救若兩頰微紅母却得生故書以別之幸詳審用之

妊娠得病用附子等劑醫家之意惟恐墮胎且如服他藥不効日後一日因循大病以致子母皆殂可謂枉死其家真不幸即是謂愛指失掌豈不先救母斯若

有實學更以一十八問方對證參攷用藥治療終不致於俱殞也

催生奪命丹

牡丹皮

枳殼

赤芍藥

各一錢

蟬退

二錢

青皮

阿膠

炒

甘草

炙

五加皮

雲薑子

管仲

蠶退紙

火炙焦各半錢

花蕊石

半錢

乳香

一字

計九錢一字細末煉蜜丸如彈子大臨坐草細嚼棗

湯下

治婦人產時胞衣下遲既產後復起早傷風吐瀉不止

方

吳茱萸 防風 羌活 肉豆蔻 黃橘皮

藿香葉 蒼朮

乾木瓜

各一分

官桂

半兩

當歸

一兩

右為細末每服三錢水一盞棗一枚姜二片同煎取
九分空心連滓服

一方黃金散

詩云 黃金結實似粟米 細研酒調五十粒

靈丹功效妙如神 難產之時能救急

右取油菜子研細酒調服

催生及難橫逆

鉛丹 水銀

二錢

黑鉛

一銖內鎔汁
搗水銀結砂

右用熟絹巾絞出銀細研汗衫紐作丸子如菉豆大
臨坐草時香水吞下一二九立効仍須仰卧

又法先脫產婦常著衣一件蓋竈頭免胎衣不下之厄

又法偷剪鍾馗左脚燒灰水下

又法尋左脚舊草鞋洗燒灰桃枝三錢水下

又法不作聲將花錢倒提向廁頂禮倒燒急回此法用一

二神効不可不作

治產難密以淨紙書本府州太守姓名燈上燒灰湯調下即產此雖厭勝頗驗

走馬催生丹 治產難危急橫生逆產子死腹中胎衣不下一九可治十人雄蛇退一條首尾全者樹上退

者是雄不然只取中間五寸燒煙欲盡急速取出用
瓷器盆蓋於地上周回用溫土圍之良久取出為末

光明辰砂

一兩
研

麝香

研一
錢

右二味研極細以桃柳嫩苗各七莖如無取皮須是
取向東方者苗向東方炒與硃砂麝香同研細却入蛇
退灰又研勻糯米飯丸如胡椒大硃砂為衣曬乾難
產者淡醋湯吞下一丸不久產下便於兒手內取丸
藥男左女右手手出

救命抵聖丹 治難產危急

辰砂

有鏡面者
半兩細研

滴乳香

半兩
別研

草麻子

二七粒
去皮

麝香當門子

真者半
兩別研

真角屑

一錢乾
細研

黃葵子

一合慢
火炒

磁石

半兩引
得針者

千里及

洗淨焙燒灰存性別研千里及向東方
死草中尋舊草鞋一隻須左右腳全

右件於乳鉢中用鉢搥研須極細至勻鎔真蠟入藥

和令得所入白杵五百數就香煙上圓如梧桐子大

每遇婦人就產發覺肚疼時取順流水半盞入無灰

酒吞下一丸良久分婉於男左女右手中取所服之藥以乳香湯洗油紙裹埋地中三日取出安靜處可以活三人衣不下用流水抱鷄子窠中洗下盛半盞水入溫酒少許吞下立愈如產難急橫倒不正眼唇黑指中青死胎在腹用炒黃葵子一合研碎溫酒調一九立効如覺胎往來辰砂湯服一九合時忌鷄犬婦人生人九時念北方黑帝大暹神通靈丹入口男女速生

治逆生便產須知針法

常用小線針於兒手足心針入一二分三四刺之
以鹽塗止輕輕送入兒得痛驚轉即縮當囑順鹽
塗足底又可急搔之以鹽摩母腹上

治產難

用古城桂木煮湯服

主難產

搗益母草取汁七大合煎半頓服立下無新者以

乾者大握七合煎服

主難產

取廁籌燒取熟氣衝上

主婦人難產

用郎君子與產婦手把之便生極有驗也

治難產

墨一寸磨水服之立產

治婦人產難

取銅弩牙燒赤內酒中飲汁

古者
彌勝

治婦人生兒不出

以枯蟬燒灰服之

治婦人入月而難產

取梁上塵竈突煤二味合方寸匕酒服

治婦人產難并逆橫產

用銅秤錘燒赤酒淬服

治難產

取水龜令產婦戴之亦可臨時燒灰酒下此物出
南海如龜長二三尺兩目在側傍

主婦人難產

以舍生草產婦口中含之立產亦咽其汁

主邪氣產難絕傷及主癰瘡牙齒諸風疾

春初採嫩槐葉並可食之

治難產方

用赤小豆生吞七枚出若是女二七枚佳

治難產

用彈丸土末一錢匕熱酒調服之大有功效也

數日不產

附論

夫難生產者緣胎氣也子成在胎中每食母血食血有餘遂成塊俗謂之兒枕子欲生時血塊先破遂為散血散裹其子胎伏熱故有難產更有少年未經生產驕富貴說聽異端月數將滿纔覺腹痛轉動便相告報傍人擾擾產婦驚怖不安心氣畜結是故難產要知月滿足

不得妄憂慮或覺腹痛之時但令老孃安存莫遣人多
無使擾亂腹痛稍頻衣破漿行湏臾即生也依此將護
必免難產之厄

甘草散 治妊娠數日不產滑胎易產

一名大豆卷散

甘草

炙一兩

黃芩

去黑心

大豆黃卷

炒

乾薑

炮

桂

去粗皮

吳茱萸

湯浸各半兩

糯米

淘淨

麻子仁

各一合

右為散每服三錢溫酒調下若臨月每日頻服一方

有大麥芽無糯米

大黃丸 治妊娠數日不產養胎易生

大黃

炒二兩

枳殼

去穢

芍藥

各一兩

芎藭

三分

乾姜

炮

厚朴

姜炙半兩

白朮

杏仁

湯去皮尖雙仁麩炒

吳茱萸

湯泡去核炒半兩

右為末煉蜜和勻丸梧桐子大每服二丸溫酒下不

拘時候

滑胎當歸散

治妊娠數日不產

當歸

焙一兩

麻子仁

合一

吳茱萸

湯浸去核炒

知母

乾薑

炮

桂

去麋皮

黃芩

去黑心

甘草

炙各半兩

大豆

炒去皮

糯米

各一合

右為散研細每服二錢空心溫酒調下漸加至三錢如欲作丸即煉蜜丸如梧桐子大溫酒下二十九

治難產數日不生子死腹內方

取揀淨川椒二斤分為二分蒸之以布裹更互熱熨產婦臍腹中死胎便出

治產經數日不出或子死腹中母欲死

以瞿麥煮濃汁服之

麥門冬丸 治妊娠數日不產益氣滑胎

麥門冬

去心

芎藭

厚朴

去粗皮
姜炙

枳殼

去穢
炒

芍藥

赤茯苓

去皮各
二兩

大黃

炒半
兩

檳榔

煨三
枚

訶梨勒

煨取皮
五枚

右為末煉蜜和塗酥為劑搗熟丸如菉豆大每服二

十九空心酒下

瞿麥湯 治妊娠數日不產滑胎易產

瞿麥

去根剉

榆白皮

木通

各二兩

滑石

一兩

冬葵子

揀淨微炒一合

右為散每服四錢匕水一盞半煎至七分去滓空心

溫服

葵子湯

治妊娠數日不產自由體性

冬葵子

炒一合

滑石

瞿麥

去根各一兩

丹參

一兩半

右為散每服四錢水一盞半煎七分去滓下牛酥白蜜各半合再煎六分食前服溫入月預服

治妊娠數日不產令易產方

以銅弩牙一隻燒通赤投半盞食醋中臨產服之
一方酒服

如聖散 治妊娠數日不產

用生過蠶紙燒灰研為細散每服二錢溫酒調下
不計時

治婦人難產數日不下至危急者

用官桂去麁皮剉碎畧炒鐵器不妨碾為細末每

服三錢白湯調下立產此藥須旋合乃佳

加味芎歸湯 治產五七日不下垂死者及矮弱女子

交骨不開者

用川芎當歸各一兩自死乾龜殼一個酥炙生
男女者婦人頭髮一握燒存性共為散每服三錢水
一盞半煎服屢効約人行五里生胎死胎俱下無
自死龜殼鑽龜廢殼亦可

催生防葵散 治難產三兩日不得產喘息不調腹內

疼痛

防葵

一兩

滑石

三分

硃砂

一分 別研

冬葵子

三分

木通

三分

瞿麥

三分

榆白皮

三分 剉

飛生皮

一分 燒灰

右為散每服四錢水一中盞煎至六分去滓溫服

治難產或經日三五日不分娩兼子死腹中方

當歸

三分 微炒

龜甲

三分 塗酥炙 令黃搗末

右先取產多者婦人髮半兩燒為灰細研入當歸末以水一大盞半煎取八分後下龜甲末煎五七沸分

為二服如行人四五里便服

治妊娠臨月數日不產覺不安服藥令兒手持出方

古文錢

八枚燒令赤內醋中九遍為末

槐子

一兩末

右和研令勻煉蜜為丸如桐子大取朱粉著銅器中搖動使丸令赤七月七日午時合之每服以東流水下三九神驗

治三日不產方

取鼠頭燒灰細研以新汲水調服一錢立効

又方

右燒龜甲成灰研新汲水調下一錢立効酒調亦

可

又方

取門限裏土三指撮酒調服之

又方

取羚羊角屑燒研為末酒調一錢服

治七八日不產至困方

黃明膠

一兩

炙黃焦用好酒一大盞煎不住手烱膠約一二十沸
內新生鷄子一枚打破鹽一錢相和頓服之立產

治七八日不產至困方

藥闕

以前藥治度服一服令婦人坐倚物上伸腿腰大
口作二次服取鸕鷀頭手執之

又方

取益母草搗汁三合服之立下如無生者乾者一

握以水一大盞煎取半盞去滓溫服

治產經數日不出或子死腹中母氣欲絕

瞿麥

六兩

通草

桂心

各三兩

牛膝

四兩

榆白皮

一升

右呔咀水九升取三升去滓分三服

治數日不產胎上衝心欲悶絕方

榆白皮

滑石

當歸

車前子

益母草

以上各半兩

右為細末煎生姜小便調下二錢

治經日不產

蒲黃 地龍 陳皮 各等分

右將地龍洗去土於新瓦上焙令微黃各為末三處
搗之各抄一錢新汲水調服立產

牛酥散 治數日不產胎上衝心欲死

牛酥 半兩 冬葵子 炒一合 滑石 三分

右以二味為末和牛酥置生絹袋內盛之用酒一升
煎七合去滓袋子令溫每服半盞一二服如未下更
服之

茱萸湯 治婦人數日不產下體已冷無藥甚窘

以椒橙茱萸等葉濃煎湯可下手則和臍腹人門
處皆淋洗即刻氣溫血行遂產或以紅花數兩速濃
煎湯扶女於櫬上以綿帛蘸水過之又以水洗帛
上兩頭仍以器盛水又煖又淋久而甦遂生男子
蓋遇嚴冬血冷凝滯不行溫則行矣血行則產即
易也

治難產三日不出

以車軸脂吞大豆許兩丸一方車脂書兒足底作
出字一方用酒

又方

燒藥杵七八遍令赤內酒中飲之立產鐵器亦得

又方

右燒大刀鏐以酒一杯沃之頓服即出救死不分
婉者

酥葵膏

治妊娠數日不產或生不順理百方不得安方見
本門難產類

逆產

附論

夫逆產者蓋因妊娠初覺腹痛產時未至驚動傷早兒
回轉未竟使用力產之即令逆也又或安胎之處及坐
卧須順四時方面并避五行禁忌若觸犯者多致灾禍
方

烏金散 治橫生倒產子死腹中胎衣不下

當歸

酒洗

沒藥

生乾地黄

蒲黃

生用

芍藥

炒

紅藍花

各一兩

鯉魚鱗

臘月者佳

桂

各二兩

血餘

小兒胎髮真者二枚

右將血餘鯉魚鱗二味用銷銀鍋子先以炭火燒灰

沒藥研餘為散和勻每服二錢溫酒調下不拘時

滑胎煎

治難產經三日或橫倒不出垂死

瞿麥

取穗一兩

酥

五兩

滑石

葵子

各三兩

白蜜

四兩

黑豆皮

一合

牛膝

去苗二兩

右除酥蜜外為末將酥蜜煉熟入諸藥末及明乳香
五兩煎以瓷器盛每服半匙溫酒或湯化下不拘時
救生散 治孕婦逆生其證孕婦欲產時遇腹痛不肯
舒伸行動多是曲卧腰眼忍痛其兒在腹不能轉動
故脚先出謂之逆生湏臾不救則子母俱亡矣

烏蛇脫

一條

蟬脫

二七箇

血餘

一團即胎髮

右燒灰每服二錢溫酒下併進二服仰卧霎時一手
抓兒手心足心令轉其兒即時順生子母俱活用槐

角子尖刺小兒腳心尤妙

治逆產法

大蒜

七顆
去皮

生姜

半兩

葱白

去青三十
莖各碎

右置在一盆子中以百沸湯五碗乘熱投於盆中速扶產婦於盆上坐候冷易之凡三易則胎正

又方

取蒲黃用水調塗兒足心底

又方

取丹砂末半錢蜜調塗兒足底

又方

取牛齒涎絞以溫酒和服之

治逆生方

以鹽塗兒足底一方用鹽粉塗和又急爪搔之并

以鹽摩產婦腹上即順

治逆產橫產不出手足先見者

以蛇蛻皮燒為末服一刀圭面向東酒服即順一

方猪膏和丸服

又方

取蟬殼二枚治為末三指撮許溫酒服之一方作蟾
蜍二枚為末酒服

又方

以手中指取釜底墨交盡兒足下順生

催生如聖散

用黃蜀葵花不拘多少焙乾為末熟湯調下二錢

或有漏血胎臍乾澁難產痛極者併進三服良久
腹中氣寬胎滑即時產下如無花時只用葵子爛
研半合以酒調濾去滓溫過頓服亦治打撲傷損
如胎死不下煎紅花溫酒調下一方花為末入麻
油順流熟水調下一方用葵子一味研墨或研硃
砂為衣每服四十九粒溫酒下濟生兼服紫蘇飲
或黑神丸亦佳又歌云葵子炒香七十粒研爛酒
調濟君急若使臨危產難時免得全家俱啼泣

治婦人倒產

右麻黃吞二十七枚即正

治倒產難產

用原蠶蛾為末飲服三錢

療逆產

以真丹砂一刀圭塗兒腋下

治逆死及子死腹中

取車輪上土以三指撮酒調下

又方

取彈子二枚搗羅為散溫酒調服二錢

又方

取甌帶燒灰研散溫酒調服二錢

又方

取晚蠶子紙一幅燒灰研末米飲調服暖水亦得

又方

取夫十指甲燒灰研末以溫酒調服

又方

取車前子搗為末溫酒調服二錢

保安散 治因漏胎胞乾難產橫逆不順

用蟬退不拘多少燈上燒存性研入真麝香少許
臨時每服半錢淡醋湯調下

治生產不順手足已冷口噤欲死方

以朱書兒左足下作千字右足作勿字手出者亦
効

又方

用當歸剉微炒搗末酒調下二錢

又方

用艾葉一兩以酒一盞煎六分去滓分溫二服水煎亦得

又方

以兔絲子搗末以溫酒調下一錢効一方用米汁服

又方

以酒調竈突塵二錢服之効一方水苦酒服一方
用竈屋上墨以酒煮一兩沸取汁服

治倒產子死腹中方

取醞醋一升格口灌之出

艾葉湯 治逆產及子死腹中

用大麻仁淨揀研爛半兩水二盞同煎一盞去滓
溫服

酸醬飲 治橫產倒產安胎

用五葉酸醬草不拘多少取自然汁半盞酒半盞
染胭脂末半兩和勻溫飲之未效再服之

催生如聖散 療逆產橫產瘦胎兼治產前產後虛損

月脉不調崩漏一名催生黑神散又名烏金散又名

二神散

方見
本門

又方 療逆產

夫取陰毛二七根燒以豬膏和丸如豆大水吞下

兒手即握出神驗

治橫逆產理不順手足先出或子死腹中

右以伏龍肝細研每服一錢酒調服兒頭戴出妙
更用搽產母臍中亦効

又方 治產時子但趨穀道者方

右腹肚痛兒數日不下者或倒產見兒腳於上書
大人名即却順產極妙

治逆產

以缸中膏畫兒脚底即正

治婦人橫逆產

以古文錢二十文燒令赤投酒中服之立產

治逆橫產瘦胎妊娠產後損月候不調崩中

用百草霜白芷等分為末每服二錢童子小便醋各少許調勻更以熱湯化開服不過二服即產

普濟方卷三百五十六